

Bosna i Hercegovina  
Federacija Bosne i Hercegovine  
**KANTON SARAJEVO**  
**MINISTARSTVO KULTURE I SPORTA**  
Broj: 12-11-20128 /23  
Sarajevo, 15.05.2023. godine

Na osnovu člana 23. Zakona o Vladi Kantona Sarajevo ("Službene novine Kantona Sarajevo", br. 36/14 – Novi prečišćeni tekst i 37/14 - ispravka), člana 32. stav (3) Zakona o izvršenju budžeta Kantona Sarajevo za 2023. godinu Sarajevo ("Službene novine Kantona Sarajevo", br. 15/23) i Odluke Vlade Kantona Sarajevo o usvajanju Programa utroška sredstava s kriterijima raspodjele tekućih transfera utvrđenih Budžetom Kantona Sarajevo Ministarstva kulture i sporta za 2023. godinu, ("Službene novine Kantona Sarajevo", broj 18/23), Ministarstvo kulture i sporta Kantona Sarajevo, objavljuje

**JAVNI POZIV**  
**za prijavu sportskih klubova koji imaju nastala**  
**porezna dugovanja do kraja 2020. godine**

Ministarstvo kulture i sporta Kantona Sarajevo poziva sportske klubove koji su registrovani na teritoriji Kantona Sarajevo, a imaju porezna dugovanja nastala do kraja 2020. godine da se prijave na javni poziv nakon kojeg će u skladu sa članom 32. stav (3) Zakona o izvršenju budžeta Kantona Sarajevo za 2023. godinu ("Službene novine Kantona Sarajevo", br. 15/23) ministarstvo Vladi Kantona Sarajevo predložiti Odluku o raspodjeli sredstava sa pozicije "Tekući transferi neprofitnim organizacijama iz oblasti sporta", za izmirenje nastalih poreznih dugovanja do kraja 2020. godine.

**1. Pravo prijave za dodjelu sredstava za sufinansiranje poreznih dugovanja imaju:**

1.1. Sportski klubovi

**2. Opći kriteriji:**

- 2.1. da je sportski klub registrovan na području Kantona Sarajevo,
- 2.2. javni poziv tretira porezna dugovanja sportskih klubova nastala do 31.12.2020. godine,
- 2.3. elaborat o ekonomskoj i društvenoj opravdanosti sufinansiranja poreznih dugovanja sportskog kluba i interesu za građane Kantona Sarajevo,
- 2.4. program rada za tekuću godinu sa obrazloženjem,
- 2.5. elaborat o utjecaju sufinansiranja poreznih dugovanja sa aspekta podizanja kvaliteta sportskog rada u klubu,
- 2.6. elaborat o usklađenosti rada sportskog kluba sa ciljevima Strategije razvoja Kantona Sarajevo 2021. - 2027.,
- 2.7. finansijski plan za tekuću godinu,
- 2.8. izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu),
- 2.9. rezultati i uspjesi na kantonalnom, federalnom, državnom i međunarodnom nivou,
- 2.10. da aplikant posluje preko Kluba koji aplicira na Javni poziv - dokaz završni računi zadnje tri godine (2020., 2021., 2022. godina) i promet minimum preko 100.000.00 BAM po godini.

### 3. Potrebna dokumentacija za prijavu na javni poziv za prijavu sportskih klubova koji imaju nastala porezna dugovanja do kraja 2020. godine:

- 3.1. Popunjen „Obrazac Ministarstva kulture i sporta Kantona Sarajevo za prijavu na javni poziv za prijavu sportskih klubova koji imaju nastala porezna dugovanja do kraja 2020. godine“ (**Obrazac 12-11-JPPD-1.1/23**) (**original**),
- 3.2. Rješenje o registraciji – ne starije od šest (6) šest mjeseci od dana objave javnog poziva (izvadak iz registra udruženja) (*orginal ili ovjerena kopija*),
- 3.3. Potvrdu Sportskog saveza Kantona Sarajevo o upisu u matičnu evidenciju sportskih organizacija (*orginal ili ovjerena kopija*),
- 3.4. Uvjerenje o poreskoj registraciji – identifikacioni broj za pravno lice (*orginali ili ovjerene kopije*),
- 3.5. Program rada za tekuću godinu sa obrazloženjem (*orginal ili ovjerena kopija*),
- 3.6. Finansijski plan za tekuću godinu (*orginal ili ovjerena kopija*),
- 3.7. Uvjerenje Porezne uprave Federacije Bosne i Hercegovine iz kojeg se vidi stanje dugovanja poreskih obaveza, poreza i doprinosa za zaposlenike (*orginal ili ovjerena kopija*),
- 3.8. Elaborat u kojem je detaljno opisano:
  - ekonomska i društvena opravdanost sufinansiranja poreznih dugovanja sportskog kluba i interes za građane Kantona Sarajevo,
  - utjecaj sufinansiranja poreznih dugovanja sa aspekta podizanja kvaliteta sportskog rada u klubu,
  - usklađenost rada sportskog kluba sa ciljevima Strategije razvoja Kantona Sarajevo 2021.-2027.,
  - detaljan plan o upravljanju poreznim dugom nastalim od 01.01.2021. godine i plan redovne isplate budućih poreznih obaveza, odnosno nakon što se izmire obaveze nastale do 31.12.2020. kako će sportski klub redovno isplaćivati eventualna ostala porezna dugovanja te redovnu isplatu budućih poreznih dugovanja,
  - detaljno opisana porezna dugovanja po kalendarskim godinama, te koliko je osnovica, a koliko kamata na ta dugovanja,
  - rezultati i uspjesi na kantonalnom, federalnom, državnom i međunarodnom nivou.
- 3.9. Dokaz da je sklopljen sporazum sa Poreznom upravom Federacije BiH za reprogram duga,
- 3.10 Zapisnik sa sjednice nadležnog tijela (Skupština, Upravni odbor) na kojoj je usvojen . Izvještaj o radu sa finansijskim izvještajem za prethodnu godinu (*orginal ili ovjerena kopija*),
- 3.11. Bilans stanja i bilans uspjeha za prethodnu godinu sa vidljivim pečatom Finansijsko/Financijsko Informatičke Agencije.

### 4. Postupak podnošenja prijava:

- 4.1. Prijava i obrazac za učešće u Javnom pozivu za prijavu sportskih klubova koji imaju nastala porezna dugovanja do kraja 2020. godine objavljeni su i na web – stranici: [www.mks.ks.gov.ba](http://www.mks.ks.gov.ba), i mogu se preuzeti i popuniti isključivo u elektronskoj formi.

- 4.2. Prijavni obrazac popunjen elektronski (formulari popunjeni ručno neće biti uzeti u razmatranje) i dostavljen u printanoj verziji (potpisan i ovjeren pečatom), sa pratećom dokumentacijom Javnog poziva za prijavu sportskih klubova koji imaju nastala porezna dugovanja do kraja 2020. godine može se predati lično na Protokol Kantona Sarajevo (soba 2) ili putem pošte na adresu Ministarstvo kulture i sporta“, ulica Reisa Džemaludina Čauševića br. 1, 71000 Sarajevo;
- 4.3. Sva dokumentacija podnesena na Javni poziv mora biti original ili ovjerena kopija kod nadležne općinske službe;  
Ne dostavljati dokumentaciju koja se ne traži u Javnom pozivu jer ista neće biti uzeta u razmatranje.
- 4.4. Prijave razmatra Komisija za provođenje javnog poziva za prijavu sportskih klubova koji imaju nastala porezna dugovanja do kraja 2020. godine koju formira ministar.
- 4.5. Svaki član Komisije iz tačke 4.4. će biti isključen iz postupka dodjele sredstava ukoliko se utvrdi da je u sukobu interesa sa podnosiocem prijave.
- 4.6. Svako lice koje posjeduje dokaze o sukobu interesa između člana Komisije i podnosioca prijave na ovaj Javni poziv poziva se da iste dostavi Ministarstvu.
- 4.7. Svaki podnosilac prijave na ovaj javni poziv može podnijeti prigovor rukovodiocu organa u roku od tri dana od dana dostave pismene obavijesti podnosiocu čija prijava nije prihvaćena za sufinansiranje i razlozima za odbijanje sufinansiranja.  
Prigovor se ne može podnijeti ako je prijava odbijena kao nepotpuna, neblagovremena ili neuredna.
- 4.8. Za sufinansiranje realizacije odobrenih programa zaključuje se pojedinačni ugovor između primaoca finansijske podrške i Ministarstva kulture i sporta Kantona. Realizacija odobrenih programa će biti u koordinaciji sa Poreznom upravom Federacije Bosne i Hercegovine, te će se postupiti u skladu sa njihovim mišljenjima, instrukcijama i primjedbama.
- 4.9. U toku perioda korištenja dodijeljenih sredstava, Ministarstvo zadržava pravo vršenja kontrole kako trošenja finansijskih sredstava, tako i praćenja predviđene dinamike projekta. Prilikom takvih kontrola, Korisnik je dužan osigurati uslove za njihovo provođenje.  
U slučaju osnovane sumnje za nezakonito ili nenamjensko trošenje Ugovorom odobrenih sredstava Ministarstvo zadržava pravo da pokrene proceduru angažovanja budžetske inspekcije Kantona Sarajevo ili drugog nadležnog organa ili tijela.
- 4.10. Javni poziv će biti otvoren za podnošenje prijave do srijede 31. maja 2023. godine.



Ministarstvo kulture i sporta  
Kantona Sarajevo